

清・錢塘丁丙撰輯

武林掌故叢編
11

台聯國風出版社
華文書局
聯合印行

武林掌故叢編目錄

第二十二集

建炎復辟記一卷 宋不著撰人名氏

夜山圖題詠一卷 元吳福生編

西泠遊記一卷 明王紹傳撰

湖舫詩一卷 國朝沈奕琛編

迎 攀新曲二卷 國朝吳城厲鸞撰

西湖遺事詩一卷 國朝朱彭撰

清波三志三卷 國朝陳景鐘莫棧撰

金氏世德紀二卷 國朝金應麟編

▲武林掌故叢編 第二十二集 一

照膽臺志略一卷 國朝鄒在寅撰

陳忠肅公墓錄一卷 國朝孫峻撰

建炎復辟

記
丁酉二月
惟琨題



嘉惠堂重刻

建炎復辟記

建炎二年十月十六日乙卯隆祐太后舟御至杭州武功大夫鼎州團練使苗傅爲扈從統制官駐軍於奉國寺三年二月虜騎寇維揚乘輿渡江十三日壬戌車駕次杭州命簽書樞密院事呂頤浩禮部侍郎張浚制置使劉光世御營使司都統制王淵留屯鎮江府江甯府措置沿江守禦事俄召淵還遣御營前統制張俊將兵守吳江三月二日庚辰以淵爲同簽書樞密院事五日癸未苗傅及御營副將軍劉正彥反揭榜於市傳檄諸州曰統制官苗傅謹信大義播

建炎復辟記

一

告天下民庶官吏軍兵等邇者大金侵擾淮甸皆緣姦臣謀國內侍弄權致數路生靈無罪而就死數萬之金帛悉皆捐棄社稷存亡繫於金人之手今則大臣內侍等不務修省尙循故態爲惡罔悛致使民庶皇皇未知死所進退大臣盡出闈寺賞罰士卒多自私門金人去住罔測朝廷安然坐視又無分毫措置卽日兩浙之民有維揚之禍嗟爾士庶興言及此寧不傷感今朝廷微弱未能明正典刑天其以予爲民除害凡有大臣罪惡顯著並內侍官並行誅戮期爾士庶一德一心共圖中興之業 主無疑以致後

建炎復辟記

二

患本爲生靈別無所希爾等若獲安存傅等赴死未晚昭爾此心誠貫白日宜相訓告以信萬方於是以前兵士守王淵之門淵兵隨之淵見士卒皆戈胄不悟問曰何甲也語未終飛兵斷其首乃分兵蒐捕中官皆殺之傅正彥勒兵向闕梟淵首於闕下是日宣麻除劉光世爲檢校太尉殿前都指揮使百官皆入禁中宰相執政在都堂聞事急復入請對頃之門外軍聲益誼中軍統制吳湛披甲持刃排門入引傅所遣一使臣一候人人內傳傅等語奏上曰苗傅不負國家止爲天下除害諫議大夫鄭穀知杭州康允之與百官議曰今日事急若不請上御樓自撫慰之無以止變諸公願入者請從我眾曰然遂從穀允之叩內東門請見俄召二公入少頃上步自內殿登闕門蓋杭州雙門故也宰相執政侍從百官皆從焉傅正彥立門下皆被堅執銳控弦露刃填溢街衢見樓上黃蓋猶呼萬歲聲喏上憑欄呼傅正彥問曰何故如此傅厲聲對曰陛下信任中官賞罰不公軍士有功不賞內侍所主乃得如黃潛善汪伯彥誤國至此猶未遠竄王淵遇金人不戰首先過江止因交結康履卻除樞密臣自陛下卽位以來立功不少今依舊作遙

郡團練使臣已將王淵斬訖梟首在此中官在外者亦被誅訖更請康履曾澤斬之以謝三軍上曰黃潛善汪伯彥已降黜康履曾澤待重與降責卿等可與軍士歸寨傅曰若不斬康履曾澤歸寨未得今日事盡是臣不干三軍之事天下生靈無辜肝腦塗地止緣中官擅權依舊不肯遣出上曰待朝廷自行遣卽今便與流配沙門島知卿等忠義卽除傅承宣使御營都統制劉正彥觀察使御營副統制一行軍兵並特除放各令歸寨解甲傅曰感聖恩但須得康履等方可歸寨上顧百官當如何朝散郎浙西安撫司主

建炎復辟記

三

管機宜文字時希孟奏曰願陛下送康履等出中官之害至此爲極若不一切除去恐天下之亂未已上曰朕左右誰使希孟對曰擇十五以下者使供灑掃之役十五以上盡可除去軍器監葉宗諤奏曰陛下何惜一康履以慰三軍之心上曰此事極曉但須朝廷自行遣豈可因叛將勒兵向闕便付中官使殺之逾時傅兵不退上命吳湛召履履逃匿不出再命衛士搜索之得於禁中清漏眾衛士擒至闕門履望上呼曰臣死矣何獨殺臣遂以付傅樓下腰斬之嚮其肉上命傅等歸寨傅正彥請宰相執政官外門議事

於是尙書右僕射朱勝非門下侍郎顏岐尙書左丞張徵簽書樞密路允迪皆出見傅等傅等請隆祐太后垂簾聽政朱勝非等入奏上欣然許之降詔恭請隆祐太后權回聽政百官皆出門外聽詔傅正彥不拜曰自有皇太子可立道君昔日已曾立太子有故事傅之屬官張遠曰民爲貴社稷次之君爲輕今日之事當爲百姓社稷又曰天無二日眾皆驚愕失色諫議大夫鄭穀叱遠曰是何悖逆之語不可謂當此時無人死國難百官復入見上奏曰傅等不拜上問何故眾莫敢對上又顧宰相宰相曰乞詢問適來聽

建炎復辟記

四

詔百官上又顧問百官百官但言不妨時希孟出奏曰以臣所見只有二說一則率百官死社稷一則從三軍之言杭州通判章誼面折希孟曰此何等語也三軍之言豈可從希孟又奏曰乞問左右監軍上顧管軍曰三軍之言何如對曰不知上曰但言不妨對曰臣所說只是衛士別無言語臣不敢妄奏上指希孟問執政曰此何人執政未及對希孟自奏曰朝散郎時希孟上曰任何差遣對曰見任浙西安撫司主管機宜文字上徐謂宰相執政朕當退避但須索稟於太后乃命吳湛謂傅等曰已令請太后御樓商議

上令顏岐入奏請太后御樓是日北風勁甚樓無屏
幃幙上坐竹椅無席褥既請太后御樓上卽立楹側
不復坐百官因請上坐上終不允曰不當坐此矣頃
之太后乘筭輿以上步從老監五人上以傅等語奏
於簾前又命宰相執政奏之太后曰當自門外與苗
傅等商議遂肩輿下樓出門見傅百官從之傅正彥
拜於轎前軍士皆聲喏傅等奏曰告太后爲天下生
靈作主今日百姓無辜肝腦塗地全賴太后主張太
后曰自上皇任蔡京王黼變更祖宗法度童貫等興
起邊事所以致今日養成金人之禍豈關今上皇帝

建炎復辟記

五

事至德聖孝別無失德止爲黃潛善汪伯彥輩誤他
今已竄逐了當統制豈不曉知此事傅曰臣等已議
定豈可猶豫太后曰待依統制所請太后且權與皇
帝同聽政事傅等又奏曰須是立太子請太后同聽
政太后曰豈可如此太后年老多病如何負荷大事
若只與皇帝同聽政則可若欲立幼主則決不可正
彥又奏曰今日大計已定有死無二乞太后早賜施
行許可太后曰今夷狄內侵皇帝聰明仁聖尙自難
以抵當若使幼主爲君夷狄聞之豈不轉加輕侮皇
子方三歲太后以婦人之身簾前抱三歲兒子如何

當得天下備知統制等忠義但此事決難從傅正彥
號哭而拜曰願太后救取天下生靈臣等止爲宗廟
社稷太后曰統制更宜思之此事不可輕舉傅正彥
怒呼其眾曰太后不肖從所請吾解衣就戮矣遂作
解衣袒裼之狀太后復呼之曰不須如此統制輩各
是名家子孫累世忠義豈不通曉今日之事實難聽
從爲皇太子幼國家多難時節如何主張得社稷傅
等奏曰自有太后垂簾聽政太后曰終是不穩便待
更與皇帝商量傅等曰三軍之士自早至今未飯事
久不決恐別生變又顧朱勝非曰相公如何無言今

建炎復辟記

六

日之事正要大臣與決勝非曰皇帝旣降詔請太后
權同聽政此事須由太后勝非等豈敢果決顏岐適
自上前來奏太后曰皇帝令臣奏知太后已決意
依苗傅等所請乞太后宣諭太后猶不允但累言只
可權同聽政不可立皇子傅等語言益逼大臣奏請
太后且入更與皇帝商議於是太后復肩輿登門與
上議太后終執前說不移上言之再三太后乃許命
宰相約束四事示傅等一曰尊事皇帝如道君皇帝
故事供奉之禮物務極豐厚二曰禪位之後諸事亦
聽太后及嗣君處分三曰降詔畢將佐軍士卽時解

甲歸寨四曰禁止軍士無肆劫掠縱火殺人如遵此約束卽降詔遜位傳等皆曰若遂下詔曰朕卽位以來強狄侵凌遠至淮甸其意專以朕躬爲言朕恐其與兵不已枉害生靈畏天順人退避大位朕有元子毓德東宮可卽皇帝位恭請隆祐太后垂簾聽政庶得消弭天變安輯人情敵國聞之息兵講好宜詔畢傳正彥揮軍退上太后降樓歸內上自辰至申猶未進膳初 議之未決諫議大夫鄭穀謂康允之曰恐軍士乘勢攘殺居人公爲守臣安得坐視胡不自出撫慰百姓允之出謂傳等語曰公等今日決大事不

建炎復辟記

七

可令軍士因肆劫掠傳曰已戒之矣允之曰審如是請借公之馬出撫定傳乃以一甲馬十甲士授允之允之周行井衢問勞撫慰杭人賴是以安是日傳所殺內侍百餘人軍士因掠其妻孥子女攘奪金帛寶珍不可勝數害及比鄰於是傳自武功大夫鼎州團練使爲慶遠軍承宣使御營司都統制正彥自起復渭州觀察使御營使司副統制傳正彥皆移軍於祥符寺以甲士守城門禁命官及婦女出城者得其手判狀乃馳出而守闕甲士因物色邀阻檢校篋笥攘取之無鬚者乃被執久之方得卜釋人情益不安六

曰甲申詔曰朕以幼冲之質承傳序之休比者大國侵凌奄至淮甸太上睿聖仁孝皇帝以權宜之計駐蹕吳江深慮敵人指其疊隙與兵不已結禍彌深濫使無辜肝腦塗地上畏天戒下惜生靈發於至誠匪由勤惰退避大位傳於眇躬隆祐太后德厚母儀道侔坤載練達國家之務深得臣庶之情恭請同聽政事眾志既定寶祚維新宜沛洪恩以宥多辟太上皇帝議上徽號曰睿聖仁孝皇帝以杭州顯寧寺爲睿聖宮可大赦天下應赦書書到日於戲寅畏帝命旣膺內禪之文獨固邦圖方篤無疆之祐尙賴文武將

建炎復辟記

八

相中外士民各暨乃心同底於治又詔曰王淵身爲統制車駕蹕蹕維揚金人輕兵前來並無措置斥候不明致倉卒南渡士民肝腦塗地宗廟傾危及交結內侍康履等並已正典刑令尙書省出榜省諭九日丁亥以苗傅屬官張遠及統領赤心隊歸朝官馬柔吉王世修並爲直龍圖閣王鈞甫爲觀文殿修撰遠等皆傳正彥謀主也配內侍官藍珪高邈張吉爲張旦曾澤陳永錫於嶺外珪賀州邈象州吉爲陝州澤明州永錫賓州俄追澤斬之十日戊子詔曰朕以眇末之資膺付託之重太上慮深保國意在愛民謂大

邦之興師指前事以興覺與其連兵不已致流毒於無辜曷若去位弗居庶釋言於強敵睿言既定剛斷莫回遂以冲人嗣守神器惟東朝有託實係保佑之慈而萬機至繁必資參決之助隆祐太后仁施四海德盛三朝恭請權同聽政事稽日月有臨之義式符大德之明合天人並受之功更保無疆之歷以建炎三年三月十日改年號爲明受元年十二月庚寅上遷於睿聖宮百官朝謁於宮庭召呂頤浩赴行在以禮部侍郎御營使司參軍事張浚爲禮部尙書命武軍承宣使秦鳳路馬步軍副總管御營前軍統制張

建炎復辟記

九

俊以兵屬浚取便道之鳳翔任詔曰功多厚賞旣衛社稷以勤王家富周者強宜登壇而建上將朕欽承慈訓躬受寶圖投艱於身凜若淵冰之未濟注意於將庶幾柱石之扶危爰輯羣功亶颺大號具官苗傅妾材英特器宇雄深洞將略之五權心達玉璜之祕習兵家之三陣世推虎落之勳比總制於天營克訓齊於貔虎軍師整肅號令靜嚴豈惟高護佑之功固以茂綏懷之畧屬邊隅之未靜慨國步之多艱奮不顧身義形於色憤嫉姦慝大刑旣正於國章扶獎玷危嘉績遂書於廟社顧庸庸之未稱豈詔爵之敢忘

推轂受命任總十連之長分茅燾社榮開四履之封并寶戶田厚加轅賦於戲有嚴翼以共武服子亦並賞於勳多無寵利以居成功爾則永膺於蒞祿往祇明訓益戒莊猷可特授武當軍節度使依前御營使司都統制進封武功縣開國子食邑五百戶實封二百戶又詔曰威武文德之輔助人主所以選任於英豪忠義天下之節槩君子所以扶持於社稷乃建利門之將久欽武服之共比建奇謀克宣忠力方序功而詔爵宜發號以揚庭具官劉正彥氣暴以剛智周以敏襲弓冶箕裘之緒豈止讀其父書保山河帶礪

建炎復辟記

十

之銘固已載之盟府蚤以武賢之世胄永懷定邊之壯圖折衝獨運於奇兵緩帶惟稱於儒將屬邊隅之震擾慨國步之阨危首陳大義之公亟斷巨姦之戮刑章昭著邦祚安安惟才大而志益謙顧功高而賞弗稱麾旄導節授北國之成師輿地按圖祚東方之樂土贊書作命血食衍封以彰狗國之勤以迪懲官之勸於戲敏我公而錫祉旣嗣續於前人守爾典以承休宜對揚於朕命益兼忠盡用濟艱難可特授武成軍節度使依前御營副統制進封彭城縣開國子食邑五百戶實封二百戶又以檢校太保劉光世爲

太尉依前奉國軍節度使殿前都指揮使充淮南制置使以定武軍承宣使權同主管侍衛步軍司公事御營平寇前將軍范瓊爲慶遠軍節度使依前捧日文武四廂都指揮使荆湖北路制置使以承宣使郭仲荀爲昭化軍節度使依前殿前都指揮使京城留守以楊維忠爲檢校少保依前龍神衛四廂都指揮使建武軍節度使節制江南東路軍馬又以王孝迪爲中書侍郎盧益爲中書右丞皆充奉使大金國信使武功大夫忠州防禦使辛道宗武功大夫文州團練使鄭大年爲國信副使奉禮物使虜先以進士黃

建炎復辟記

七

大年爲承奉郎借朝奉大夫直祕閣賜紫金魚袋進武校檢吳時敏爲秉義郎閤門祇候借武義大夫閤門宣贊舍人爲先期告請使十四日壬辰除諫議大夫鄭穀爲御史中丞十六日甲午太后詔曰吾以菲德託於東朝睿聖仁孝皇帝以保國愛民之故責躬消變禪位於元子屬以幼沖未堪多難請吾同聽大政吾以保佑聖躬義不獲已蓋順權宜今大臣乃以吾逮事泰寧陵於屬爲尊稽攷舊章欲加吾以太皇太后之號以稱皇帝尊崇之意蓋名有徇而失實禮有變而從宜今外敵憑陵生靈塗炭兵革未變國削

滋甚將遣信使請和大國庶幾扶顛持危保安宗社全活元元顧茲不德方痛自貶抑損之又損尙懼無以合天心愜民志豈可用承平故事以自尊大三省樞密院其明喻吾意勿復有請御史中丞鄭穀有言臣訪聞近日朝廷差除行遣多出於統制官苗傅劉正彥之意二人近更出入都堂殆無虛日外議喧然若上下共因茲道國家興衰未可知也且康履王淵互相交結公行請託眾所共忿苗傅等因人之心仗義誅之人不以爲非者以義勝不義以公滅私也今茲復行請託於廟堂之上義者不爲私莫甚焉黃潛

建炎復辟記

七

善汪伯彥之居政府以不能公心體國好行私惠以保身固寵故請託得行而紀綱廢卒至國弱君危雖身竄荒遠天下猶有餘忿今可復蹈前轍乎且淵與履之交結汪與黃之自謀皆以謂舉天下之人不能動搖永保富貴終其身以及子孫殊不知人怨神怒禍變之起易於反掌身且不保況子子孫孫乎今上皇帝陛下以幼沖處宮中太后垂簾聽政不出房闈天下之事全賴將相大臣共由公道以扶持之今任廟堂之寄者不能絕請託之私司將相之權者不能避干預之嫌命令之下何以服人心而慰天下是啟

姦雄之心而召盜賊之至也今廟堂之上所以安行而不疑者必以謂兵之強足以制姦雄而弭寇盜是未之思爾嬴秦之兵非不最強也陳勝一呼秦不及支王莽之兵非不最強也昆陽一敗莽卒授首其足恃乎所可恃者祖宗之德澤淪浹人心者垂二百年天下得安其生含哺鼓腹長子孫者數世今雖盜賊間作非潰兵卽叛卒未有一民奮臂其閒以戴有宋之德不可變故也惟順人心共尊王室方可長久伏望嚴賜戒敕訓諭廟堂之上三三大臣共以公心維持紀綱絕請託之私將帥之臣共奮忠義訓練兵卒

建炎復辟記

三

以保社稷無以私請干與朝政庶幾與國同休共享天下安榮之福也苗傅劉正彥到都堂欲分隸所統兵入衛睿聖宮尙書左丞張浚以爲不可固止之傅正彥遂退資政殿學士太中大夫同簽書樞密院事呂頤浩言崇寧以來內侍童貫譚稹互掌兵柄二十餘年賞罰不時節令失信西則侵凌夏國北則與契丹敗盟致將帥解體士不用命皆緣內臣基禍流毒天下遂令徒黨爲患至今近聞將相大臣被命勦戮內侍誠以快天下之心據神人忿怒之氣然伏觀三月五日睿聖皇帝親筆詔書以謂卽位以來強狄侵

凌遠至淮甸其意專以朕躬爲言朕恐其興兵不已枉害生靈畏天順人退避大位以此仰見睿聖皇帝出於至誠不吝尊位以紓敵國之禍也恭惟太后陛下仁聖恭儉之德踰三十年孚於四方垂簾聽政擁祐皇帝陛下四海之內孰不歸休但有愚見不敢愛死而不言方今強虜乘戰勝之威羣盜有蜂起之勢興衰撥亂事屬艱難豈容睿聖皇帝退避大位而享安佚伏望太后皇帝陛下不憚再三祈請睿聖皇帝亟復大位親總萬幾從此以往屏絕內侍近習之人褒賞今日立功將帥之士然後駕幸江陵以圖恢復

建炎復辟記

四

如此則宗廟社稷有無疆之休將帥大臣有無窮之福不然必恐天下禍亂不可勝言十七日乙未張浚不受尙書之命俊亦不肯分兵與浚御史中丞鄭穀上言乞留頤浩知江陵言不當分張浚兵遂止又撰杜鵑詩四句親寫令進士謝嚮持往平江見浚世忠俊等諸大將令嚮說諭諸人爲勤王之舉使張大聲勢持重緩進勿使驚擾城中呂頤浩劉光世韓世忠等從嚮之策遂議舉兵討苗逆檄諸州曰恭惟宋有天下垂二百年太祖太宗開基創業眞宗仁宗德澤在民列聖相承人心未厭昨因內侍童貫首開邊禍

遂致虜騎歷載侵凌逆臣苗傅躬犬彘不食之資取鯨鯢必戮之罪迺因艱難之際敢爲廢立之謀劉正彥孺子狂生同惡共濟自除節鉞專擅殺生仰惟建炎皇帝憂動恭儉志在愛民聞亂登門再三慰勞而傅等陳兵列刃凶饑彌天迫脅至尊倉皇遜位語言狂悖所不忍聞大臣和解而不從兵衛皆至於掩泣詔書所至遠邇痛心駭戾人情孰不憤怒願惟率士何以戴天況傅等揭榜闔市自稱曰余祖宗諱名曾不迴避迹其本意實有包藏今者呂頤浩因金陵之師劉光世引步從之眾張俊治平江之兵韓世忠張

建炎復辟記

五

浚禹彥輔各領精銳辛道宗陳思恭總率舟師湯東野周杞扼據要衝趙哲調集民兵劉海李逮餽餉芻糧楊可輔參議軍事一行忠義將佐官屬等同時進兵以討元惡師次秀州四方嚮應用祈請建炎皇帝亟登大位以順人心今檄諸路州軍官吏軍民等當念祖宗涵育之恩思君父憂廢之辱各奮忠義共濟多艱所有朝廷見行文字並是苗傅等僞命及專擅改元悉勿施行如敢違戾天下其誅之詔責浚爲郴州團練使安置御史中丞上言浚不當降責遂止二十四日壬寅韓世忠兵次秀州傅發兵拒之世忠之

妻在杭州世忠使人召之傅不與太后召世忠妻入禁中錫予甚豐封安國夫人撫諭而遣之張浚言伏觀三月五日睿聖皇帝親筆退避大位詔伏讀再四不覺流涕竊以國家患難至此皆臣等文武之臣不能悉心圖事補報朝廷致使土地侵削民人困苦上負睿聖皇帝之恩下失天下黔黎之望今上睿聖皇帝以不忍生靈之故避位求和固爲得策然臣獨有一說不敢不具陳其詳當今外難未寧內寇初起正人主憂勤自任馬上求治之時恐太后以柔靜之身皇帝以幼冲之質端居深位責任臣寮萬一強敵侵

建炎復辟記

五

陵不肯悔過則二百年宗廟社稷之基拱手而隨亡矣願干宸衷祈請睿聖念祖宗委託之重思二聖屬望之動不憚勤勞親總機要擁形勝之地求自治之計抑去微名用柔敵國然後太后陛下皇帝陛下監國於中撫靜江左如此則於天下國家大計似爲得之二十五日癸卯召百官赴睿聖宮奏請時大雨百官冒雨入皆權呼以謂復辟矣既至宮乃議奏請上爲皇太弟天下兵馬大元帥康王嗣君爲皇太姪監國人情疑惑不安二十六日甲辰御史中丞鄭穀上疏曰臣昨日同百官處庭下蒙太后陛下宣示詔書

降睿聖爲皇太弟降上爲皇太姪臣恍然如醉夢不知所爲隨班進退卻詣睿聖探問詔書迺聞閣門宣贊撫諭將臣韓世忠等之語稱得太后詔睿聖天下兵馬大元帥多不進兵朝廷大臣進議以謂若爲大元帥則當稱臣不欲以父臣子遂併降今上皇帝爲皇太姪臣方駭汗揣恐既復嗟歎惜乎此一事而陛下輕易之也睿聖皇帝承正統嗣天位已二年矣發號施令天下順之郊祀天地百神享之一旦尊而爲太上皇以太子嗣太后陛下垂簾同聽政雖出倉卒於理猶順今以太上皇之尊遽降爲大元帥則當去

建炎復辟記

七

御袍而服紫綬撤御幄而設緋幕內外百官曰將曰相皆前日所臣事者也今日與之比肩事主矣稽之於古無所取法行之於今實逆天道併降今上爲皇太姪是二十日內降二太子矣自古未有也其所由來萬一閣門傳一將臣之語不謀之於睿聖皇帝不議之於同朝之臣不考其實遂信而行之雖易僕妾不如是之易也陛下以母后之尊任有宋宗廟社稷之重寄一將之言使趙氏子孫無居帝位者陛下處之安乎或曰爲大元帥可以任軍旅之事以安國家定社稷也臣竊以爲不然昔睿宗太極元年星官

言帝座前星有變睿宗曰傳位避災吾意決矣乃立皇太子爲皇帝以聽小事自尊爲太上皇以聽大事虞舜遜位於禹矣猶命禹徂征有苗臣以巡狩陟方之事觀之則禹受禪舜猶親大政也今若睿聖皇帝任軍旅之事如唐之睿宗以太上皇聽大事如舜既禪位亦命禹徂征有苗爲法請睿聖皇帝聽國大事以治軍旅以行征伐天下孰以爲非伏望太后陛下斷自宸衷收還昨日詔書命將相百官請睿聖皇帝以太上皇聽國之大事稽之古爲有法施之今爲得宜陛下仍與今上皇帝合聽政以安人心若使詔

建炎復辟記

八

書已頒行天下聞之爲無君矣貢賦不入倡義而起兵者皆是也雖有至智不能爲謀惟陛下速賜施行以故前詔不下張浚爲同知樞密院事二十八日丙午以鄭穀上章祈請遂召百官入太后使閣門宣諭曰睿聖皇帝不爲皇太弟兵馬大元帥康王加上尊號曰太上睿聖仁孝皇帝處分天下兵馬重事嗣君不爲皇太姪監國依舊皇帝詔曰朕以幼沖仰膺付託今承太母慈訓及覽宰執內外侍從將帥奏陳謂睿聖仁孝皇帝頃自靖康之初實總元帥之重早緣推戴繼遂繼承比以強敵侵凌生靈荼毒深自抑損

發於悃誠絕退處於別宮以釋言於大國惟淵聖之命孰敢廢而臣庶之願不可違若止依舊太上之稱何以慰天下之望今恭依太后之旨請加上太上睿聖仁孝皇帝處分天下兵馬重事以御史中丞鄭穀翰林學士李邠爲同簽樞密院事是日晚苗傅劉正彥至都堂見宰相朱勝非請入見睿聖皇帝奏事勝非難之曰俟先奏知傅等固請勝非不得已爲奏太后見上許之傅正彥叩睿聖宮請見時已昏矣上卽令閣門引入見之傅正彥拜於殿下上命登殿傅正彥不敢上命衛士掖之以上傅正彥奏請上親筆劄

建炎復辟記

九

以緩外師上日人主親劄所以取信天下以其有御寶今朕退處外邸不與國事用何符璽以爲信自古廢君杜門省愆豈敢更與外事傅等遜謝上曰統制有事但來商量不拘何時可來相見請勿疑忌傅等拜謝而出見朱勝非謝焉二十九日丁未呂頤浩劉光世張浚之兵會於秀先是傅等懼外師之至日思所以備禦之策檄杭州集保伍選器械局城門塞河道者二十八事守臣康允之悉收其檄不爲行樞密鄭穀每見傅等必以危言利害禍福喻之又率允之同陰使人之平江見頤浩等復以蠟書遺允之曰同

舉大兵結連保護允之復遣健步持書報城下曲折中路爲傅弟苗謝所發資政殿學士太中大夫同簽樞密院事江淮兩浙制置使呂頤浩檢校太保奉國軍節度使殿前都指揮使制置使劉光世朝奉郎試尙書禮部侍郎御營使司參贊軍事張浚起復定國軍承宣使帶御器械鄜延路馬步軍副總管御營平寇左將軍韓世忠宣武軍承宣使帶御器械秦鳳路馬步軍副總管御營前將軍統制張俊中大夫祕閣修撰知平江府事兼兩浙兵馬鈐轄湯東野左武大夫明州觀察使兩浙路提點刑獄公事趙哲朝奉大

建炎復辟記

三

夫權發遣常州軍事兼兩浙西路兵馬都監周杞等言臣等公契勘統制王淵不能備禦虜人至乘輿南渡結連內侍蠲除樞筦近有統制官苗傅劉正彥被奉聖旨將本官內侍誅戮委屬允當外有建炎皇帝以遜位一事臣等切詳建炎皇帝卽位以來恭儉憂勤過失不聞天下多事之際乃人主馬上圖治之時深恐太母垂簾聽政嗣君尙幼未能裁定禍亂臣等今請諸路兵遠詣行在恭請建炎皇帝還卽尊位欲望聖慈特賜睿旨令百官有司早行祈請建炎皇帝復位或與太后同共聽政庶幾人心壓服可致中興

四月一日戊申尙書左僕射朱勝非門下侍郎顏岐中書侍郎王孝迪尙書左丞張澂簽書樞密院事路允迪同簽書樞密院事李邴鄭穀言臣等三月二十九日請召苗傅劉正彥到都堂諭以睿聖皇帝始以講和大金之故責躬避位退處別宮授位元子恭請太后垂簾同聽政事今國家多故干戈未息使臣雖遭難議復命之期天步多艱宜急防秋之計睿聖皇帝當還尊位總攬萬幾苗傅一皆聽從太后詔曰吾近以睿聖皇帝授位元子請同聽政以國家多難義不得辭朝夕不遑亟欲還政今覽卿等所奏甚契吾

建炎復辟記

三

心可依所奏疾速施行於是鄭穀率勝非等急奉奏於上曰屈已睦鄰事亦由於獨斷因時復位理難抑於羣情昨者鄰敵侵陵聖躬謙損授位元子退處別宮恭請東朝同聽庶政誠意懇切詔旨丁寧漸開交泰之權少息生靈之禍今者干戈尙擾宗廟未安遣使難議於還朝防秋當思於預備若未復九重之正恐壅萬幾之繁恭承太母之訓言兼列羣臣之奏請事有必至議不可辭伏望皇帝陛下察億兆愛戴之心以社稷安危爲重亟整六龍之馭率和萬國之心俾中外以協寧庶艱虞之共濟上詔曰朕以金人

連年內侵斷然不疑避位與子恭請太后同聽政事庶便和議以迎二聖以安生靈今承太后聖旨併得卿等所奏當還尊位總攬萬幾殊非本意難議允從兼以具奏太后卿等宜體朕意是日百官赴睿聖宮恭請太后內出劄子上曰今日朔且宜入見禁中上奏太后又詔曰皇帝以國步多艱避位與子乃以非德同聽大政吾以嗣君幼冲強敵未盟事尤急於防秋理難安於重幕兼臣僚懇請內外如一適契吾心不可重違皇帝宜御帝位以安中外鄭穀謂勝非曰此事既已如此不可少緩遂上表曰伏以責躬與子

建炎復辟記

三

仰聖德之難名戴仁祈天願羣情之莫遏未頒俞旨再整忱誠切以有德者興實民心之所與大寶曰位惟帝命之是承屬天步之多艱軫淵衷之深念思柔強敵暫屈威尊播告多方見禹湯之罪已哀憐赤子如堯舜之性仁然事須緩急之殊則理繫安危之異盛秋設備當愛日以有爲萬里結盟慮歸程之或阻矧大母憂勤而垂訓暨羣臣惻切以陳辭宜速正亡之朝大慰羣生之望伏望皇帝陛下仰遵慈旨俯徇輿情用傳清蹕之音遂反紫闈之御向東而揖者再雖循卽事之儀萬歲之呼者三速契投機之會上詔

曰朕奉太母慈訓及官僚奏請卽還尊位親總萬幾深惟避位本意專在和戎覲以迎還二聖安輯生靈念慈旨丁寤與臣僚繼請謂社稷之計至重防秋之期已迫祈請之使恐難必遂若太母念艱難之極不憚憂勤同聽政事則朕猶可勉徇臣庶之請共圖國事不然斷不敢以獨當太后又詔曰吾以皇帝內禪之始元子幼冲勉徇勤請權同聽斷深惟邊陲未寧防秋爲急萬機不可以曠今內外臣寮奏陳請皇帝復辟吾若釋重負深愜素志皇帝乃必欲吾同覽政事然後復位願吾衰老豈復堪任皇帝誠懇堅確不

建炎復辟記

三

回今勉從皇帝之請國步稍寧當退處東宮以遂初意百官三請上方出御殿猶不許入內宰相執政因請上馬百官扈請以入上及太后坐前殿垂簾百官起居退詔曰朕願德弗類遭時多艱臨蒞御朽索之危涉道濟百川之遠向者敵師深入國步載艱永惟責躬避位之因專以講和好息爲計力祈大國冀迎二聖以遯歸庶保丕圖可致四方之綏靖今則奉太后之慈訓念嗣君之幼冲致兵民推戴之忱諭內外祈請之切謂防秋在邇當愛日以有爲謂遣使出疆恐尋盟之未遂露章屢至復辟爲期朕以太后之旨

不敢違羣臣之請不可卻遜辭靡遂任重難堪仰太后之慈仁一同聽斷肆眇躬之寡昧敢憚憂勤朕惟東朝有垂簾保佑之勞元子有踐祚丕基之託振徽聲於長樂以致四海之權正冢嗣於青宮以繫萬民之望式頒溫詔誕告多方嗚呼有臣三千實荷同心之助卜年七百復開過歷之期更資中外之交修庶格神天之叶佑太后宜上尊號曰隆祐皇太后令有司擇日奏請嗣君宜立爲皇太子令有司擇日備禮冊命施行以王世修爲工部侍郎初傅正彥之反也世修實爲畫策及兵至憂懼乃急請復辟以自免故

建炎復辟記

四

有是命二日己酉以傅爲淮西路制置使劉正彥副之三日庚戌以張浚爲知樞密院事以傅正彥爲檢校少保傅請屬官張遠爲添差淮南路轉運判官從之傅之神將苗翊與韓世忠之兵戰臨平之南翊敗傅正彥遣兵救之朝廷命諸將皆集兵於皇城門外城中大震鄭穀謂宰相曰今日之事雖急然外兵以義至叛將之氣已懾不足慮也聞集兵於皇城門外舉城大恐以謂朝廷助一賊捍王師矣不如遣人緩頰喻傅正彥使速將兵之新任不然兩兵相擊事有不可言者從之是日傅正彥引兵開錢塘湧金門而

出時大雨賊兵倉皇夜遁皆狼狽失所四日辛亥呂頤浩劉光世張浚韓世忠張俊趙哲將兵入城頤浩等入見上皆號哭上慰勞之皇太后詔曰吾以國家變生倉卒遂用本朝故事同聽大政皇帝復位卽欲撤簾皇帝勤請者再義不得已黽勉數日今中外盍一天下其慶皇帝宜專決萬幾吾當退處東朝以遂初志可以今月四日撤簾上奏皇太后曰臣伏觀皇太后手詔欲以今月四日撤簾國家非常之變仰賴太母之慈仁恭儉始終保祐遂復大位今亟欲還政雖謙沖退託聖德難名在臣皇皇之心實不遑安欲

建炎復辟記

三

望依舊垂簾同聽政事庶得協和內外保安宗社皇太后詔曰吾惟自昔人君冲幼義資保護則有同聽政故事前日特倉卒之變勉狗權宜皇帝復位數日內外盍一機務旣宜專決臣庶亦思瞻望吾豈宜久同大政今下詔今月四日撤簾宜速遵用施行上奏皇太后曰再奉聖旨以今月四日撤簾臣內惟菲德遭罹變故自非太后保祐則宗社安危殆不可測欲報之德無以爲稱復位之始尤賴母慈救靈中外而聖德謙沖確然不同臣不敢重以機務上挽聖慮已命有司遵依詔旨施行詔復建炎元號宰相勝非等

言臣等備位政府當三月五日之變義當卽死所以隱忍偷活至今正欲力圖今日之事始終委曲陛下究知方羣兇肆虐脅制上下肘腋之變近在呼吸上賴宗廟社稷靈長之休陛下仁明恭儉聖德在人臣庶內外一心愛戴不踰三旬亟正大位自古及今反正未有如此之速者詔令旣出內外懽懽臣等退就鼎鑊死無所恨其聞朝廷命令悉上稟太后嗣君處分今旣親覽萬幾自今取自聖裁所有三日以後政事差除等欲乞有司條具將上取旨詔從之傅犯富陽縣詔遣喬仲福將兵追之五日壬子樞密院事張

建炎復辟記

三

浚等奏契勘皇帝復卽位臣等於四月三日進至臨平鎮西約七八里以來逆臣苗傅劉正彥差官引兵前來拒敵有前軍統制承宣使韓世忠率兵交戰王師大捷其苗傅劉正彥潛引所部人馬由嚴州路逃遁臣等除已遣兵追襲外契勘上件事止係苗傅等數人爲首其餘脅從人自合一切不問臣等除已行下嚴秀越池湖宣衢州平江江寧府廣德軍等處分明出榜曉示以生苗傅劉正彥有官人轉承宣使無官人正任觀察使生擒到王鈞甫馬柔吉張達苗翊瑀與轉七官或能斬首並同上件功賞餘人於所

在出給公據赴行在依舊收管望更賜睿旨專遣使
命多降黃榜施行詔從之傳犯新城縣六日癸丑以
右僕射朱勝非爲觀文殿大學士知洪州張激爲資
政殿學士知江州門下侍郎顏岐中書侍郎王孝迪
皆爲提舉官觀路允迪提舉醴泉觀兼侍讀簽書樞
密院事呂頤浩爲右僕射同簽書樞密院事李邴爲
尚書右丞傅犯桐廬縣七日甲寅詔曰近苗傅劉正
彥謀爲不軌王鈞甫馬柔吉王世修張達苗翊瑀同
情共謀自合收捕外其餘將佐使臣效用軍兵等本
不知謀各係無罪之人許其出首擅行殺戮並依殺

建炎復辟記

三

平人法已降敕條告諭所在出給公據赴行在依舊
收管切慮尙懷畏避潛藏不敢出首可多出文榜曉
示限一月出首依已降敕條施行應干失職官吏已
令三省日下黜謫了當自後並不得請處更有預列
以檢校太保劉光世爲太尉依前奉國軍節度使殿
前都指揮使御營副使以起復定國承宣使帶御器
械鄜延路馬步軍總管御營平寇左將軍韓世忠爲
武勝軍節度使御前左軍都統制以宣武軍承宣使
帶御器械秦鳳路馬步軍副總管御營前軍統制張
俊爲鎮西節度使御前右軍統制詔朝請郎浙西安

撫司主管機宜文字時希孟語言狂悖逆狀顯著可
除名勒停送吉陽軍編管杭州兵馬鈐轄張永載朋
附兇邪迹狀昭著可除名勒停送瓊州編管管軍王
元 左言身爲主輔主親軍當日擾攘略無彈壓顯
屬畏懦不職王元責授海州團練使英州安置左言
責授秀州團練副使賀州安置樞密都承旨馬擴陰
懷觀望可追三官勒停永州居住嚮左侍郎王世修
斬中軍統制官吳湛於市同簽書樞密院事鄭穀言
臣自陛下退居別宮日夕憂憤計無所出謂必集外
兵方可圖復辟兼不當居職欲得脫去卽北走平江

建炎復辟記

三

金陵見俊呂頤浩議事累章待罪蒙太后降詔不允
莫遂所請十四日忽蒙聖旨除臣御史中丞臣職在
彈壓官邪臣苗傅等悖逆肆虐擅行殺戮十六日遂
具章乞諭傅等便宜軍法只得行於所轄兵卒其餘
當聞之朝廷以正典刑又聞傅日至都堂與朝廷事
臣慮威福之柄下移不敢愛死抗章極言謂朝廷近
日差除皆苗傅劉正彥之意而二人迭入都堂殆無
虛日直言所以敢爾者必恃兵之強也王莽之兵非
不强昆陽一敗莽卒授首乞告示苗傅等太后不欲
降出臣章疏慮傅等致害於臣又再上殿陳悃請乞

降付三省以告示使傅等知畏縮則足以正朝廷之紀綱使其肆橫害及臣身亦死職業臣不當避遂降出臣章疏傅等果出怨言直擬某爲王莽雖恨疾亦少戢兼聞以樞密院事召呂頤浩以禮部尚書召張浚又分張浚兵五百人歸陝西及浚不受尚書之命俊不肯分所部兵遂責以散官歸彬州擢俊以節度知鳳翔皆出傅等姦謀假朝廷之命使外無強兵謀主中生變亂事不可緩遂以一章乞留呂頤浩知金陵一章言浚不當責降一章言不當分張浚兵求有膽氣謹密可共事之人得奉議郎謝嚮令爲客旅徒

建炎復辟記

无

步之平江見張俊等具言城中之事令嚴設備大張聲勢持重緩進使其自遁無致城中之變驚動三宮此爲上策又作杜鵑詩四句親寫令攜去報呈諸人以爲信詩云以取杜鵑詩言蜀天子化作杜鵑故以喻天子以百鳥喻百官言內外百官當同心共謀挾天子反帝位以歸宮也嚮至平江以詩遍呈浚頤浩光世俊莫不嗟歎至二十六日忽聞宣詔降陛下爲元帥皇帝爲監國太后獨垂簾聽政臣具章留百官班同宰執侍從上殿奏事謂太后聽政所以保宗廟社稷今乃使趙氏子孫不得居帝位二十日之間降

二皇帝使天下無君詔書一出則天下貢賦不入當有仗義而起兵者蒙太后開納宣諭衰稱令臣赴都堂商議遂得不降詔書於四方漸謀復辟臣備員樞府三日而陛下復寶位此臣於陛下處別宮之後所言所行事也上以親筆答曰頃者逆徒作難將臣跋扈脅制朝廷行其私意大臣俯首唯其所爲卿適在中司義形於色不爲妻子之計屢陳社稷之言雖文武協規外有勤王之舉而忠義奮發皆由守節之臣迨茲還政之初特有樞庭之授景想節義殊深嘉歎故茲親筆詔諭想宜知悉有司此章可詔行天下除

建炎復辟記

手

鄭穀簽書樞密院事八日乙卯詔曰天祐民而作君所以大乎一統王體元而居正所以臨於四方朕遭時多艱顧德弗類武不足以戡定亂略德不足以惠綏黎元兩宮遠狩則四海懷溫清之思大國遠侵則萬民罹荼毒之苦念艱虞之若此豈眇躬之能勝蓋嘗貶抑至尊之稱上厭皇天之禍惟國家之厯數未艾而祖宗之德澤在人露章祈禱者若出於一辭總師入覲者皆來於數路斷菴而立四極旣成開國之功馭日而挾五龍始正神明之御爰念撥亂者當念於勗業救弊者宜急於改爲惟圖事揆計爲長久之